



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

27 APRIL 2022 (RABU)



KERATAN AKHBAR DAN MEDIA ONLINE (KPDNHEP)

27 APRIL 2022 (RABU)

Cadangan selesai isu kartel, stabilkan harga ayam

Wujudkan lembaga unggas

Oleh **FAHMI FAIZ**
fahmi.faiz@mediamalaysia.com.my

PETALING JAYA: Kerajaan deda-
sak mewujudkan sebuah lembaga
khas bagi mengawal dan me-
nyelia industri unggas di negara
ini jika mahu isu penguasaan
kartel dalam perusahaan terse-

but diselesaikan.

Penubuhan badan dengan
melibatkan pelbagai kemente-
rian dalam sektor makanan ne-
gara itu penting supaya langkah-
langkah yang diambil kerajaan
bagi menstabilkan harga ayam
dapat dilaksanakan dengan le-
bih berkesan.

Kerajaan sebelum ini telah
menyuntik subsidi berjumlah
RM528.52 juta untuk menstabil-
kan harga ayam, namun usaha
tersebut masih gagal menu-
runkan harga di pasaran, seba-
liknya penternak dan pembekal
terus bermain dengan isu lain
berkaitan kos ternakan yang di-

katakan meningkat.

Bercakap kepada *Utusan Ma-
laysia*, Pengarah Nafas Food
Processing and Marketing Sdn.
Bhd., Shafiqurrahman Sham-
suddin berkata, langkah mewu-
judkan sebuah lembaga perlu
supaya industri tersebut dapat
dipantau secara berintegrasi.

"Ketiadaan sebarang lembaga
bagi menyelia industri bernilai
RM10 bilion setahun itu meng-
akibatkan kerajaan terpaksa ber-
depan masalah kenaikan harga
yang tidak selesai," katanya di
sini, semalam.

Bersambung di muka 4



ALEXANDER Nanta Linggi melihat harga ayam yang ditawarkan ketika program walkabout Pelaksanaan Skim Harga Maksimum Musim Perayaan (SHMMP) Hari Raya Puasa 2022 di AEON Mall, Nilai, semalam. - UTUSAN/ MOHD. SHAHJEHAN MAAMIN

Wujudkan lembaga unggas

Dari muka 1

Akhbar ini kelmarin melaporkan tentang wujudnya kartel ayam yang bermaharajalela mengawal industri itu lebih-lebih lagi dengan adanya campur tangan politik.

Shafiqurrahman berkata, ketiadaan satu badan khas untuk mengawal selia industri ternakan menyebabkan beberapa polisi yang diambil kerajaan masih tidak berjaya mengawal harga ternakan di pasaran.

"Sejak Januari hingga Mac lalu, kerajaan melaksanakan tiga polisi untuk kawal harga ayam. Pertama, pada Januari kerajaan mengeluarkan kelulusan import (AP) kepada 32 syarikat untuk bawa masuk ayam sejuk beku namun malangnya ia tak dapat turunkan harga ayam.

"Pada Februari kerajaan mengeluarkan pula empat AP import kepada empat pasar raya besar, dan menyalurkan subsidi 60 sen sekilo kepada penternak. Sekali lagi, ia turut menemui kegagalan untuk menurunkan harga ayam.

Katanya, setiap hari negara memerlukan 2.2 juta ekor ayam dan ketiadaan lembaga khusus mengakibatkan beberapa syarikat besar 'berkuasa' menentukan jumlah anak ayam yang mahu dikeluarkan tanpa dipantau dan diaudit kerajaan.

"Oleh sebab tiada lembaga yang kawal selia industri, maka syarikat-syarikat pengeluar anak ayam berkuasa menentukan berapa anak ayam yang mahu dikeluarkan. Jika terlebih, mereka akan bakar anak ayam supaya kurang bekalan dan harga sentiasa kompetitif

bagi mereka.

Menurutnya, oleh kerana tiada sebarang sistem rekod untuk kerajaan menyemak pengeluaran anak ayam baka, hal itu mendorong berlakunya keputusan bekalan yang tidak dapat diselia secara berpusat oleh kerajaan.

Jika diwujudkan, lembaga itu juga akan turut memantau ternakan itik dan burung puyuh.

Sementara itu, Pengerusi Koperasi Kelab Generasi Transformasi Ruminan Malaysia (GTR) Nordin Mat berkata, kewujudan lembaga khas dapat menghapuskan amalan 'kroni' dalam kalangan penternak dan peniaga.

"Wajib diadakan lembaga ini untuk memantau kartel yang suka hati meletak harga anak ayam," katanya.

Dalam pada itu, Pertubuhan Gerak Tani Malaysia meminta kerajaan tidak tunduk kepada kartel sehingga menyebabkan harga ayam dinaikkan begitu sahaja tanpa berdepan dengan sebarang tindakan.

Pengerusinya, Datuk Mazlan Aliman menyifatkan, kartel t memonopoli pasaran kerana tiada pelan khusus dalam memastikan tidak ada pihak yang boleh menguasai pasaran sehingga menjejaskan harga dan pesaing lain.

"Dasar keselamatan makanan negara telah sedia ada dan dipinda dari masa ke semasa namun mekanismenya begitu lemah," katanya.

Namun, katanya, penguasaan kartel boleh diatasi dengan memperluaskan peranan syarikat milk kerajaan (GLC) dan sebuah lembaga khas.

"FGV, Pertubuhan Peladang

Kebangsaan (Nafas), Petronas dan lain-lain yang mempunyai modal besar mesti terlibat membina kilang makanan ternakan bagi mengelakkan kebergantungan import," katanya.

Pada masa sama, beliau juga meminta peranan Jabatan Perkhidmatan Veterinar dikaji semula kerana dianggap tidak mampu menangani industri ayam dan ruminan yang saiznya begitu besar.

"Struktur jabatan harus diperkasa kepada agensi yang besar dan peranan atau keber-tanggungjawaban yang selaras dengan kepentingan industri ayam dan ruminan," katanya.

Sementara itu di **SEREMBAN**, Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, Suruhanjaya Persaingan Malaysia (MyCC) sedang menjalankan siasatan berhubung dakwaan campur tangan politik dalam isu dominasi kartel terhadap industri ternakan ayam.

Menurutnya, siasatan yang dimulakan sejak beberapa bulan lalu itu turut melibatkan Polis Diraja Malaysia (PDRM).

"Ini bukan perkara mudah untuk disiasat, mesti diteliti secara terperinci barulah kita boleh pastikan.

"Tidak boleh terlalu cepat mengatakan ada kartel, mungkin ada, saya tidak menafikannya tetapi lebih elok, kita tunggu laporan MyCC nanti," katanya kepada pemberita selepas program walkabout dan Pelancaran Program Jualan Malaysia Rancak Aidilfitri di AEON Mall, Nilai semalam.

Barangan asas dijamin mencukupi

KPDNHEP yakin keperluan asas tidak terjejas sehingga selepas hari raya

Oleh Mohd Amin Jaleh
bhnews@bh.com.my

Nilai: Bekalan keperluan harian termasuk ayam segar dan telur ayam dijamin mencukupi walaupun selepas musim perayaan Aidilfitri, kata Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi.

Beliau berkata, Kementerian sudah berbincang dengan pelbagai agensi lain termasuk Kementerian Pertanian dan Industri Makanan (MAFI) dan beberapa pengeluar ayam yang memberi jaminan bekalan mencukupi.

"Kita mengadakan konsultasi dengan beberapa agensi termasuk pengeluar ayam yang menernak dalam skala besar, mereka mem-

beri jaminan bekalan ayam dan telur mencukupi untuk Aidilfitri dan hingga selepas hari raya.

"Setakat ini kita tidak terima aduan berkaitan kekurangan bekalan ayam dan telur. Saya berharap barang ini akan terus kekal bukan saja untuk Aidilfitri tidak beberapa hari lagi, malah hingga selepas Aidilfitri," katanya selepas buat tinjauan pelaksanaan Skim Harga Maksimum Musim Perayaan (SHMMP) dan Melancarkan Program Jualan Malaysia 2022 Rancak Aidilfitri di Aeon Mall, semalam.

Yang hadir sama, Ketua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Azman Mohd Yusof; Timbalan Ketua Setiausaha KPDNHEP, Datuk Roziah Abudin dan Pengerusi Aeon Malaysia, Datuk Iskandar Sarudin.

Alexander berkata, kerajaan sudah menetapkan 28 jenis barangan dalam senarai SHMMP Hari Raya Puasa (HRP) 2022 bermula 26 April hingga 6 Mei ini.

"Kita tidak boleh berterusan sepanjang masa melaksanakan SHMMP ini kerana itu tidak adil



Alexander membuat tinjauan pelaksanaan Skim Harga Maksimum Musim Perayaan dan Melancarkan Program Jualan Malaysia 2022 Rancak Aidilfitri di Kuala Lumpur, semalam. (Foto Azrul Edham /BH)

kepada peniaga kerana tanpa peniaga di mana kita hendak dapatkan barangan.

"Oleh itu, kita letakkan satu skim harga yang munasabah pada masa yang sesuai dan berharap peniaga mematuhi peraturan serta tidak menjual bara-

ngan keperluan asas pada harga tinggi atau mengambil untung berlebihan.

"Lazimnya akan ada naik sedikit (harga barangan) sebaik skim ini berakhir," katanya.

Sementara itu di Shah Alam, BERNAMA melaporkan Keme-

nterian Wilayah Persekutuan (KWP) menghantar bekalan telur ayam dan minyak masak ke Labuan secara berperingkat bagi mengatasi masalah kekurangan barangan itu menjelang Aidilfitri ini.

Menterinya, Datuk Seri Dr Shaidan Kassim, berkata 1.25 juta telur ayam dan 42,500 paket minyak masak dihantar menerusi lima penerbangan ihsan Tentera Udara Diraja Malaysia (TUDM) bermula hari ini dan dijangka selesai sebelum Aidilfitri.

Barangan berkenaan akan dijual pada harga subsidi menerusi pemborong yang dilantik dan diuruskan Perbadanan Labuan di lokasi yang ditetapkan.

"Telur gred C yang dijual pada harga pasaran RM13.20 sepapan, akan dijual dengan harga RM10 selepas disubsidi, manakala minyak masak RM2.50 sepaket dijual pada harga RM2.

"Selain masalah kekurangan bekalan, barangan ini juga dijual pada harga yang lebih tinggi di Labuan susulan isu logistik... jadi jualan ini diharap dapat mengurangkan beban rakyat," katanya di Pangkalan Udara Subang, di sini semalam.

Siasat dakwaan campur tangan politik

Hasil laporan isu kartel ayam akan dikemuka MyCCC

Oleh SYAMILAH ZULKIFLI

KUANTAN

Kementerian Perdagangan Dalam Negeri dan Hal Ehwal Pengguna (KPDNHEP) sedang menyiasat dakwaan wujudnya campur tangan politik dalam melindungi kartel ayam hingga menyebabkan berlakunya kenaikan dalam harga bahan mentah itu.

Menterinya, Datuk Seri Alexander Nanta Linggi berkata, Suruhanjaya Persaingan Malaysia (MyCC) bersama agensi terlibat sudah menjalankan siasatan sejak beberapa bulan lalu dan perlu diteliti dengan lebih terperinci.

"Buat masa ini yang dikata-



Alexander menunjukkan ayam yang dijual di sebuah pasar raya di Nilai.

kan penglibatan ahli politik itu kita hanya baca dalam surat khabar, tapi yang pentingnya MyCC sedang jalankan siasatan. Ini bukan perkara mudah dan tak boleh terlalu cepat mengatakan ada kartel.

"Tapi saya tak nafikan dan tak

juga mengesahkan ada, elok tunggu laporan MyCC," katanya pada sidang media selepas majlis Pelancaran Program Jualan Malaysia Rancak Aidilfitri dan Walkabout Sempena Penguatkuasaan Skim Harga Maksimum Musim Perayaan

Aidilfitri 2022 di sebuah pasar raya di sini pada Selasa.

Beliau berkata demikian mengulas laporan media yang mendakwa campur tangan politik sejak sekian lama dalam isu membabitkan dominasi kartel terhadap industri penternakan ayam.

di seluruh negara menyebabkan pihak terbabit terus bermaharajalela.

Ujar Alexander, KPDNHEP bersama agensi lain memberi kerjasama penuh bagi membantu siasatan.

"KPDNHEP sememangnya ada peranan dalam itu kerana kita kementerian yang mengawal harga barang. Kita bersama agensi lain akan lakukan yang sepatutnya," katanya.

Selain itu katanya, KPDNHEP tidak menerima sebarang aduan bekalan ayam tidak mencukupi menjelang Aidilfitri ini namun pemantauan sentiasa dilakukan.

Bercakap mengenai program skim kawalan harga barang yang hanya pada musim perayaan, Alexander berkata, kerajaan bukan saja melindungi pengguna, tetapi juga peniaga.

"Kita bukanlah memihak kepada sesiapa, tapi perlulah adil kepada semua. Kalau peniaga terjejas akan timbulkan masalah lain pula," katanya.

Penternak jamin bekalan ayam masih mencukupi menjelang Aidilfitri

SHAH ALAM - Bekalan ayam ketika ini masih lagi mencukupi untuk permintaan tempatan, terutama menjelang perayaan Hari Raya Aidilfitri nanti.

Presiden Persekutuan Persatuan Penternak-penternak Malaysia (FLFAM), Tan Chee Hee berkata, sekiranya terdapat isu kekurangan bekalan, ia mungkin kes terpencil sahaja.

Ujarnya, kenaikan harga ayam secara mendadak tidak akan berlaku sewaktu musim perayaan Aidilfitri ini kerana ia dikawal oleh kerajaan.

Beliau menambah, setakat ini pihaknya tidak menerima sebarang aduan berhubung dakwaan harga ayam yang melampau di Kelantan.

"Jika perkara ini berlaku, Kementerian Perdagangan Dalam Negeri dan Hal Ehwal Pengguna (KPDNHEP) sudah tentu akan membuat siasatan tersebut," katanya.

Ditanya mengenai punca kenaikan harga ayam, beliau menjelaskan, ia berpunca daripada



Jika perkara ini berlaku, Kementerian Perdagangan Dalam Negeri dan Hal Ehwal Pengguna (KPDNHEP) sudah tentu akan membuat siasatan tersebut."

kenaikan harga bahan mentah utama makanan ternakan seperti jagung bijirin dan kacang soya.

Katanya, kenaikan harga bahan mentah tersebut semakin meningkat sejak perang Ukraine pada 24 Februari lalu.

"Misalnya harga jagung bijirin ialah RM1,900 satu tan metrik, berbanding sebelum perang, RM1,500 sahaja.

"Manakala harga kacang soya pula melonjak ke RM2,950 satu tan metrik, berbanding RM2,200, sebelum ini," katanya.



TAN CHEE HEE

MyCC lancar rundingan dalam talian

Kuala Lumpur: Suruhanjaya Persaingan Malaysia (MyCC) melancarkan sesi rundingan awam dalam talian kelmarin bagi mendapatkan pendapat dan maklum balas orang ramai dan pihak berkepentingan berkaitan cadangan pindaan Akta Persaingan 2010.

Ketua Pegawai Eksekutif MyCC, Iskandar Ismail dalam kenyataan semalam, berkata proses pindaan itu bermula sejak 2019 namun tertangguh akibat pandemik COVID-19.

"Kami berharap pindaan ini akan mengukuhkan mandat MyCC dalam melindungi persaingan dalam pasaran dengan kuasa penyiasatan dan penguatkuasaan yang efektif.

"Selain itu, MyCC akan diberi kuasa untuk menilai penggabungan yang akan mengurangkan atau mengganggu persaingan dalam pasaran dengan ketara. Kami berharap pindaan ini dapat diluluskan di Parlimen pada hujung tahun ini," katanya.

Beliau berkata, setakat ini Malaysia adalah satu-satunya negara di Asia Tenggara yang tidak mempunyai rejim kawalan penggabungan.

Input sought on Competition Act amendments

KUALA LUMPUR: The Malaysia Competition Commission (MyCC) has embarked on an amendment exercise for the Competition Act 2010 and has launched an online consultation to invite the public and stakeholders to provide input.

MyCC chief executive officer Iskandar Ismail said in a statement yesterday the exercise has been in the works since 2019 but was delayed due to the pandemic.

"We hope this exercise will strengthen MyCC's mandate in protecting competition in the market, with the appropriate investigation and enforcement tools.

"More significantly, MyCC will be empowered to review mergers that will substantially lessen or distort competition in the market. We are hopeful that the amendments would be passed in Parliament by the end of this year."

He said Malaysia is currently the only country in Southeast Asia that does not have merger control provisions.

The amendment exercise was undertaken by MyCC to make Malaysia's competition laws more extensive and in line with international practices, and for MyCC to effectively perform its statutory function to promote and protect the process of competition.

The amendment of the Act includes the amendment of provisions relating to investigation and enforcement powers and procedures as well as appeal provisions, taking into account developments in the digital economy, and the introduction of a merger control regime.

A soft copy of the proposed amendments is available on the MyCC website at <https://www.mccc.gov.my/public-consultation> and the Malaysia Productivity Corporation Unified Public Consultation (UPC) portal.

Any input may be submitted via email by May 27 to MyCC at amendment@mccc.gov.my or through the UPC portal.

MyCC will also hold two physical sessions for the same purpose, tentatively scheduled for June. - Bernama

Senarai Harga Barang Keperluan	
• Ayam	RM5.99
• Daging Lembu Tempatan	RM38.99
• Daging Lembu Import	RM28
• Telur Gred A	RM12.60
• Ikan Kembung	RM9.90
• Minyak Masak	RM6.35
• Gula Pasir	RM2.85
• Bawang Besar Holland	RM2.49
• Bawang Putih	RM4.99
• Cili Merah	RM10
• Kubis Bulat Tempatan	RM3.50
• Tepung Gandum	RM2.25

*Harga (RM/kg) Sumber: KPDNHEP